

112-ՆԵ ԵՐՄՈՒ...

N21

ნოემბერი, 2015



ვეროგავშირსა და მართვა-ს განვითარების აუკმნამის
გეღვამის ზე-ში (მ.4)



ԱՌԱՋԱԿԱՆ ԱՐԴՅՈՒՆԱՎՈՐՈՒՄ ԵՎ ԱՌԱՋԱԿԱՆ ԱՐԴՅՈՒՆԱՎՈՐՈՒՄ ԵՎ
ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ (89.5)



ՀԱՅԱՍՏԱՆԻ ԱՐԴՅՈՒՆՎԱՐԱԿԱՆ ԵՊԻՑԵԼԻՑ ՀԱՆՐԱՊԵՏՈՒԹՅՈՒՆ
(ՀՀ.Դ.)

რედაქტორი ლიკა ალაძაშვილი

ნომერზე მუშაობდნენ: თეა გზირიშვილი, სოფო ალექსიძე, წატალია გელაშვილი,
მარიამ ჯიუხაძე, ჰენრიეტა ელიაური, მარიამ კიკნაძე,

დიზაინი თეა კუპრაძე

- 112-ს ევროპავზიტისა და გარკო-ს განვითარების
პროგრამის ფალების ეფექტური ეფექტი 83.4
- 112-ის პროექტი ყრუ და სხვადაპვერთვაზე პირობისთვის
სასაქო საოცენების ვიზიტი 112-ში 83.5-6
- საოცენა „ოპიზას“ მოსწავლეების ვიზიტი 112-ში 83.7-8
- ახალგაზრდაზე ცანების სტაციონარი
112-ს ევროპავზიტი 83.9
- შსს-ში მოსწავლეებთან შეხვედრი გაიმართა 83.10
- ოპარატორთა ბლოგი 83.11
- კინკინგაზე ლამენტი მასაძეს
სახე გადასცემის 83.13
- 83.14-15
- 83.16 აოცენის ოფიციალი
- 83.17 დაუარავაზე გეირობა, რომელიც ჩაიტარებს ერთიანა აუსამარი
- 83.18 სპილომ ცენტრის ფრონტ გოგონა გადასცემის
- 83.18 ძალები ახალგობილი სივრცისას ისესები
- 83.19 მძარცვაზე გამოხვივთ 911-ში დარეკას
- 83.19 პატრონები და მძარცვაზე ერთდროულად გამოიძახეს 911
- 83.20 დღიური ჯარიმების სისტემა



**112-ს ევროპული მდგრადი განვითარების პროგრამის დალგაცია
ერთიანი განვითარების კოორდინატის დალგაცია**

შინაგან საქმეთა სამინისტროს 112-ის დეპარტამენტის ევროკავშირისა და გაეროს განვითარების პროგრამის ექსპერტთა ჯუფი ესტუმრა.

112-ის დირექტორმა გიორგი ბიჭაშვილმა სტუმრებს პირადად უმასპინძლა. დელეგაციის წევრები 112-ის ოპერატორების მუშაობის სპეციფიკას გაუცნენ და ზარის მიღებისა და შეტყობინების დამუშავების პროცესს დაესწრნენ.

ექსპერტებმა, 112-ის წარმომადგენლებთან ერთად, რისკის დროს ინფორმირებისა და კომუნიკაციის, ადრეული გაფრთხილების, საფრთხის გამოვლენის, მონიტორინგისა და შეტყობინების საკითხები განიხილეს.

შეხვედრის დასასრულს 112-ის წარმომადგენლებმა დელეგაციის წევრები სამასოვრო საჩუქრები გადასცეს.



112-ის პროექტი ყრა და სხვადასტურებული პირებისთვის



შს სამინისტროს 112-ის დეპარტამენტმა დაიწყო პროექტი ყრუ და სმენადაჭვეითებული პირებისთვის, რომელიც გულისხმობს მათ დარეგისტრირებას 112-ის SMS და ვიდეო ზარის სერვისის ბაზაში. პროექტის ფარგლებში უკვე განხორციელდა ორი ვიზიტი 112-ის ცენტრში.

112-ის წარმომადგენლებმა სტუმრებს SMS და ვიდეო ზარის სერვისის შესახებ დეტალური ინფორმაცია მიაწოდეს. საინფორმაციო შეხვედრის განმავლობაში, ყრუ და სმენადაჭვეითებული პირებს შესაძლებლობა მიეცათ ადგილზე დარეგისტრირებულიყვნენ 112-ის მონაცემთა ბაზაში

და ახალი მომსახურების ეფუძნება პირადად შეემოწმებინათ.

112-ის მიზანია SMS და ვიდეო ზარის სერვისს ბაზაში დაარეგისტრიროს საქართველოში მცხოვრები ყველა ყრუ და სმენადაჭვეითებული პირი, რათა მათ საჭიროების შემთხვევაში დამოუკიდებლად შეძლონ გადაუდებელი დაბმარების ოპერატორი მართვის ცენტრთან დაკავშირება. SMS და ვიდეო ზარის სერვისის შექმნის პირველ ეტაპზე, 112-მა საქართველოს მასშტაბით უკვე დაარეგისტრირა ყრუ და სმენადაჭვეითებული პირების გარკვეული ნაწილი. პროექტის მეორე ეტაპზე, ყრუთა



კავშირთან თანამშრომლობით, დაიგეგ-
მა აღნიშნული პირების ყოველკვირეული
ვიზიტი 112-ში. 6 თვის განმავლობაში, ყო-
ველკვირეული ვიზიტების ფარგლებში,
ყრუ და სმენადაქვეითებულ პირებს მათ-
თვის განსაზღვრული სერვისის შესახებ
პრეზენტაცია ჩაუტარდებათ და 112-ის
მონაცემთა ბაზაში დარეგისტრირდები-
ან, ასევე დაათვალიერებენ 112-ის ქოლ-
ცენტრს და გაეცნობან, როგორ ხდება
SMS და ვიდეო ზარის მიღების პროცესს.

შეგახსენებთ, 112-ის SMS და ვიდეო ზარის
სერვისი 2015 წლის მარტის თვეში გაე-
როს განვითარების პროგრამის (UNDP) და
შვედეთის მთავრობის მხარდაჭერით დაი-

ნერგა. სერვისის შემუშავებაში აქტიურად
იყო ჩართული საქართველოს ყრუთა კავ-
შირი. SMS და ვიდეო ზარის სერვისი უფა-
სოა და განკუთვნილია მხოლოდ ყრუ და
სმენადაქვეითებული პირებისთვის. სერვი-
სი მოქმედებს მთელი საქართველოს მასშ-
ტაბით, 24 საათის განმავლობაში. 112-ში
შემოსული შეტყობინება, გადაუდებელიდა-
ბარების შესახებ, გადაეცემა სასწრაფო-სა-
მედიცინო დახმარებას, პოლიციას და სა-
ხანძრო-სამაშველო სამსახურს. ვიდეო ზა-
რის საშუალებთ შემოსულ შეტყობინე-
ბებს უესტური ენის მცოდნე ოპერატორები
იღებენ. აღნიშნული სერვისით სარგებლო-
ბისათვის საჭიროა წინასწარი რეგისტრა-
ცია 112-ის ვებ-გვერდზე: www.112.ge



საჯარო საოლგების ვიზიტი 112-ზე

2015 წლის 19 ნოემბრიდან, შსს-ს 112-ის დეპარტამენტს, პროექტის „მართლწესრიგის უზრუნველყოფისა და დანაშაულის პრევენციის“ ფარგლებში, საქართველოს მასშტაბით სხვადასხვა საჯარო სკოლის მოსწავლეები ესტუმრნენ.

ვიზიტის ფარგლებში, წეროვანის, საგურამოს და თბილისის 147-ე საჯარო სკოლის მოსწავლეები გაეცნენ სამსახურისა და ოპერატორების მუშაობის სპეციფი-

კას, მიიღეს ინფორმაცია გადაუდებელი დახმარების წომრის - 112-ის შესახებ, რომლის მიზანია მოქალაქეთათვის გადაუდებელი შემთხვევების დროს დახმარების აღმოჩენა, მთელი საჭართველოს მასშტაბით, 24 საათის განმავლობაში. ასევე, მიეწოდათ დეტალური ინფორმაცია, თუ როგორ და რა დროს უნდა დარეკონ 112-ზე. გაიგეს, რომელი გადაუდებელი სამსახურის ბრიგადების გამოძახებაა შესაძლებელი 112-ზე დარეკვით.



პროექტის მიზანია, არასრულწლოვანთა შორის დანაბეჭდის პრევენცია, მართლწესრიგისა და უსაფრთხოების საკითხებზე მათი სამოქალაქო ცნობიერების განვი-

თარების ხელშეწყობის გზით. ასევე, ახალგაზრდებში სამართლებრივი ცნობიერების, მართლშეგნებისა და მოქალაქეობრივი პასუხისმგებლობის გაზრდა.



112-ის შესახებ

საოლა „ოპიზას“ მოსახლეების ვიზიტი 112-ზე



2015 წლის 30 ნოემბერს, შინაგან საქმეთა სამინისტროს 112-ის დეპარტამენტს, სამოქალაქო განათლების პროგრამის „მომავალი თაობის“ პროგრამაში ჩართული სკოლის მოსწავლეები ესტუმრნენ. აღსანიშნავია, რომ ვიზიტი სკოლის მოსწავლეების ინიციატივით განხორციელდა.

ვიზიტის ფარგლებში, სკოლა „ოპიზას“ მოსწავლეებმა გადაუდებელი დახმარების ოპერატორიული მართვის ცენტრი დაათვალიერეს, ადგილზე გაეცნენ სამსახურისა და ოპერატორების მუშაობის სპეციფიკას. მოსწავლეებმა მიიღეს ინფორმაცია გადაუდებელი დახმარების უნიკალური ნომრის - 112-ის შესახებ, რომლის მიზანია მოქალაქეთათვის გადაუდებელი შემთხვევების დროს დახმარების აღმოჩენა, მთე-

ლი საქართველოს მასშტაბით, 24 საათის განმავლობაში. ასევე, მოზარდებს მიეწოდათ დეტალური ინფორმაცია, თუ როგორ და რა დროს უნდა დარეკონ 112-ზე. გაიგეს, რომელი გადაუდებელი სამსახურის ბრიგადების გამოძახებაა შესაძლებელი 112-ზე დარეკვით.

112-ში სტუმრობისას სკოლის მოსწავლეებმა სამსახურის წარმომადგენლებისგან შეიტყვეს, თუ რა ზიანის მომტანია ცრუზარის განხორციელება 112-ზე და რა საწეციებია გათვალისწინებული ნომრის არამიზნობრივად გამოყენების შემთხვევაში. ასევე მიეწოდათ ინფორმაცია, 112-ის SMS და ვიდეო ზარის სერვისის შესახებ, რომელიც მხოლოდ კრუზ და სმენადაჭვეითებული პირებისთვისაა განკუთვნილი.





ახალგაზრდული ცენტრის სტუდენტები 112-ს ეფექტურობაზე

2015 წლის 5 ნოემბერს, შს სამინისტროს 112-ის დეპარტამენტს, პროგრამის - „ტოლერანტობის, სამოქალაქო ცნობიერებისა და ინტეგრაციის მხარდაჭერის“ ფარგლებში, თბილისის ახალგაზრდული ცენტრის ქართველი, აზერბაიჯანელი და სომები სტუდენტები ეწვიენ ენერგეტიკური სამსახურის მიერ მიმდევად.

სტუმრებმა გადაუდებელი დახმარების ოპერატორული მართვის ცენტრი დაათვალიერეს, ოპერატორების სამუშაო პროცესს დააკვირდნენ, მიმდინარე და დაგე-

გმილ პროექტებს გაეცნენ. სტუდენტებს მათვების საინტერესო კითხვებზე 112-ის წარმომადგენლებმა უპასუხეს.

ვიზიტის დასასრულს, თბილისის ახალგაზრდული ცენტრის ქართველი გადაუდებელი სამასოვრო საჩუქრები გადაეცათ.

112-ში სტუდენტების ვიზიტს სისტემატიური ხასიათი აქვს და იგი ახალგაზრდულებში სამოქალაქო კულტურის ამაღლებას და გადაუდებელ სიტუაციებში ქცევის წესების გაცონბას ისახავს მიზნად.





შსს-ში მოსწავლეებთან შეხვედრა გაიმართა

შს სამინისტროს ინიციატივით, შსს-ს სხვადასხვა დანაურფის და განათლების და მეცნიერების სამინისტროს წარმომადგენლებმა, ბავშვთა ძალადობისგან დაცვის საერთაშორისო დღესთან დაკავშირებით, თბილისის 191-ე საშუალო სკოლის 44 უფროსებულასელ მოსწავლეებთან საინფორმაციო-საგანმანათლებლო შეხვედრა გამართეს.

შსს-ს წარმომადგენლები მოზარდებს ბავშვთა ძალადობის სხვადასხვა ფორმის, მათ შორის, ბულინგის შესახებ ესაუბრენენ, რომელიც გავრცელებულია მოზარდებში და ინფორმაცია მიაწოდეს იმ მძიმე დანაშაულების შესახებ, რომლებშიც შესაძლოა ბავშვები ჩართული იყვნენ, როგორც მსხვერპლი. ასევე განიხილეს ბავშვთა ძალადობის ერთ-ერთი ფორმის - არასრულწლოვანთა ტრეფიკინგის და ონლაინ სექსუალური ექსპუტაციის საფრთხეების საკითხები. შეხვედრის მონაწილეებმა მოზარდების კითხვებს ამომწურავად უპასუხეს.

112-ის წარმომადგენლებმა მოსწავლეებს მიაწოდა ინფორმაცია, რომ თუ ისინი გახდებიან ძალადობის ნებისმიერი ფორმის მსხვერპლი, თვითმხილველი ან თანამონაწილე, აუცილებლად უნდა დარეკონ 112-ში, რათა მოხდეს შე-

საბამისი რეაგირება. შეხვედრაზე მოზარდებს ძალადობის წინააღმდეგ მომზადებული ვიდეოროგოლები უჩვენეს. ღონისძიებას ესწრებოდნენ შსს-ს საერთაშორისო ურთიერთობების დეპარტამენტის პროექტების მართვის სამმართველოს უფროსის მაკაფერაძე, შსს-ს ცენტრალური კრიმინალური პოლიციის დეპარტამენტის ორგანიზებულ დანაშაულთან ბრძოლის მთავარი სამმართველოს ტრეფიკინგის და უკანონო მიგრაციის წინააღმდეგ ბრძოლის სამმართველოს უკანონო მიგრაციის წინააღმდეგ ბრძოლის განყოფილების დეტაქტივ-გამომძიებელი დაინარისტი შევილი, შსს-ს გადაუდებელი დახმარების ოპერატორი მართვის ცენტრ 112-ის ინსპექტორების სამსახურის მთავარი სპეციალისტი ირმა უტიაშვილი, სასახლის საგანმანათლებლო დაწესებულების მანდატურის სამსახურის ფსიქოლოგიური მომსახურების ცენტრის ფსიქოლოგი თეონა ჩიტიაშვილი.



შსს 112-ის დეპარტამენტი შეუძლია ქალადობის
60ეალმდევ წამანიას -

თქვენ არა!



თქვენ არა! და დარღვეულება 112-ზე!





გამორჩეული ზარი 999-ზე

20 ოქტომბერი, 2005 წელი

სუზი ბრენტი, ლონდონის სასწრაფო დახმარების ცენტრის დისპეტჩერი, იხსენებს ერთ-ერთ ყველაზე დასამახსოვრებელ და გამორჩეულ ზარს.

ზარის ინიციატორი მოხუცი ქალბატონი და მისი 7 წლის შვილიშვილი იუვნენ, მიზეზი კი - 70 წლის ბაბუის მძიმე მდგომარეობა. მას ფილტვების პრობლემა ჰქონდა და მოულოდნელად სუნთქვა შეაჩერა.

პირველი წუთები სუნთქვის შეწყვეტიდან ძალიან კრიტიკულია, სუზი ბრენტმა გადაწყვიტა აღნიშნული ზარისთვის მაღალი პრიორიტეტი მიენიჭებინა. ასეთ სიტუაცი აში ყოველი წამი გადამწყვეტია.

დისპეტჩერს ესმოდა, თუ როგორ ცდილობდა მოხუცი ქალი მეუღლე ძირს დაეწვინა და მისთვის გულის მასაჟი გაეკეთებინა, ამასობაში მას 7 წლის შვილიშვილმა გამოართვა ტელეფონი.

- „გამარჯობა, მე სასწრაფო სამედიცინო დახმარების დისპეტჩერი ვარ და ჩვენ დავეხმარებით ბაბუას, სასწრაფო უკვე

გზაშია, მაგრამ სანამ ის თქვენამდე მოვა ჩვენ უნდა დავეხმაროთ მას, ამისთვის მჭირდება რომ შენ ძლიერი იყო!“ - უთხრა მას სუზი ბრენტმა.

- „კარგი, რისი გაქეთება შემიძლია?“ - უბასუხა პატარა გოგონამ.

სუზიმ ჰყითხა რას აკეთებდა ბებია და როცა შეიტყო, რომ ქალი მართლაც ცდილობდა ბაბუა სავარძლიდან იატაჭზე დაეწვინა, ურჩია ის ისევ უკან დაებრუნებინათ. სთხოვა გოგონას დაკვირვებოდა და მისთვის ეთქვა, თუ როგორ სუნთქავდა პაციენტი, ბებიას კი გაეგრძელებინა გულის მასაჟი. ამასობაში სასწრაფო დახმარების ბრიგადაც მივიდა.

სუზი ბრენტმა გადაწყვიტა დარჩენილი ყო ხაზზე, რათა გაეგო რა ხდებოდა. საბოლოოდ ყველაფერი კარგად დამთავრდა, სასწრაფო დახმარების ექიმებმა მამაკაცი საავადმყოფოში გადაიქვანეს.

პაციენტის მეუღლე და შვილიშვილი უნდა ამაუგობდნენ იმით, რომ მათ შეძლეს მოხუცი მამაკაცისთვის სიცოცხლის შენარჩუნება.



ქილურგების ფაქციალ მახანდრეს სახა გადაუნარგეს

ნიკოლას კეიჯისა და კონ ტრავოლტას მონაწილეობით გადაღებული ფილმის „სახის გარეშე“ სიუჟეტი უკვე აღარ გვეჩვენება ფანტასტიკად. სახის გადანერგვა 10 წელზე მეტი ხნის წინ გახდა მედიცინისთვის შესაძლებელი. თუმცა დროსთან ერთად ტექნოლოგიებიც იხვეწება და ექიმები უფრო და უფრო რთულ ოპერაციებზეც მიღიან, მაგრამ დღესდღეობით ყველაზე გაბედულ და მოწინავე გადანერგვად შეიძლება, ჩაითვალოს ამერიკელი მეხანძრის, პატრიკ ჰარდისონის შემთხვევა, რომელმაც ძლიერი დამწვრობა მიღილო და, პირდაპირი მნიშვნელობით, საკუთარი სახე დაკარგა.

ნიუ-იორკის უნივერსიტეტთან არსებული ლანგონის სამედიცინო ცენტრის ექიმთა ბრიგადამ მიზნად დაისახა 41 წლის მეხანძრისთვის სახის სრული გადანერგვა. პაციენტისთვის არა მხოლოდ სახის, არამედ უურების (სასმენი არხების ჩათვლით), სახის ძვლების ნაწილის, ცხვირის, ქუთუთოების (მათ მოძრაობაზე გასუხისმგებელი კუნთების სისტემის ჩათვლით), ასევე დონორის გარცხნი-

ლობის მქონე სკალპის გადანერგვა იგეგმებოდა. დონორი გახდა მხატვარი დევიდ როუდბახი, რომელიც 26 წლის ასაკში, ველოსიპედით სეირნობისას, აგარის შედეგად გარდაიცვალა. დევიდმა საკუთარი სხეული თავისი ნებით დატოვა დონორული ორგანოების წყაროდ, ამიტომ მისი სახის გადანერგვა სხვა ადამიანისთვის კანონის სრული დაცვით განხორციელდა. მისმა გულმა, ღვიძლმა და თირკმელებმა ასევე რამდენიმე ადამიანის სიცოცხლე იხსნა.

ურთულეს ოპერაციაში 100-ზე მეტი ექიმის, მედდისა და მომსახურე პერსონალისგან შემდგარი გუნდი მონაწილეობდა. პროექტს ხელმძღვანელობდა ექიმი ედუარდო როდრიგესი, ჰანსიორგ გისის სახელობის პლასტიკური ქირურგიის დეპარტამენტის უფროსი. ოპერაცია 26 საათზე მეტ ხანს გაგრძელდა, მას წინ ერთწლიანი მოსამზადებელი პერიოდი უძღვდა, რომლის განმავლობაშიც პაციენტმა კანის საფარველის აღდგენის 70 სხვადასხვა პროცედურა გაიარა. ამას მაქსიმალურად უნდა გაეადვილებინა

ეს საინტერესოა...

ქირურგებისთვის საქმე ოპერაციის დროს. ოპერაცია 1 მილიონი დოლარი დაჭდა.

პატრიკი პირნათლად ასრულებდა მენანძრის სამუშაოს, სანამ 2001 წელს მას ერთ-ერთი შენობის ალმოდებული სახურავი არ დაემხო ზედ. შედეგად სრულიად დაიწვა მენანძრის სახე, თავი, კისერი და ტორსის ზედა ნაწილი. მან დაკარგა ქუთუთოები, ყურები, ტუჩები, თმა, წარბები და ბრაქტიკულად სრულად დაკარგა ცხვირი. მას შემდეგ, რაც პატრიკის ისტორია მოისმინა, ექიმმა როდრიგესმა გადაწყვიტა, რადაც არ უნდა დაკდომოდა, დაებრუნებინა მამაკაცისთვის სარკეში თავისუფლად ჩახედვის შესაძლებლობა. ოპერაცია 2015 წლის აგვისტოში ჩატარდა, თუმცა მისი შედეგები მხოლოდ ახლა გამოქვეყნდა.

ოპერაციის პროექტირებისას გამოყენებულ იქნა სხვადასხვა მოწინავე ტექნოლოგია, მათ შორის კომპიუტერული 3D-მოდელირება, ასევე 3D-ბეჭდვა, რომლის მეშვეობითაც ქირურგები პატრიკისა და დონორის თავების მოდელებს ბეჭდავდნენ, რათა მაქსიმალურად ზუსტად გაე-

თვალათ ჟელა აუცილებელი მოქმედება.

ჰოსპიტალის კედლების დატოვებამდე სამი თვე გავიდა. პატრიკი ჯერ კიდევ იღებს სპეციალურ მედიკამენტებს, რათა თავიდან იქნას აცილებული გადანერგილი ქსოვილების მოცილება, ასევე გადის სარეაბილიტაციო თერაპიის კურსს, იმისთვის, რომ სხვისი ტუჩებით ლაპარაკი ისწავლოს.

- „ულრმესი მადლიერება მინდა გამოვხატო ჩემი დონორისა და მთელი მისი ოჯახის მიმართ - განუცხადა პატრიკმა უურნალისტებს ერთ-ერთ ინტერვიუში, - მიუხედავად იმისა, რომ მე მათ პირადად არ ვიცნობ, ყოველდღე ვლოცულობ მათთვის, იმიტომ, რომ ვიცი, რა როული გადაწყვეტილება მიიღეს ჩემს დასახმარებლად. ასევე მინდა, მადლობა გადავუხადო ექიმ როდრიგესს და მთელ მის გუნდს, იმისთვის, რომ რომ მათ მაჩუქეს რაღაც უფრო მეტი, ვიდრე ახალი სახეა. მათ მე ახალი სიცოცხლე მაჩუქეს“.

წყარო: www.hi-news.ru



პოლიციის ოფიცერი

აშშ-ს შტატ ფლორიდაში, ქ. გეინსვილის პოლიციის დეპარტამენტის ოფიცერმა, კრისტენ მილერმა, 2015 წლის 14 სექტემბერს, შეიტყო რომ სოციალურად დაუცველი 92 წლის მოხუცი ქალი გასაჭირში იმუოფებოდა. როგორც აღმოჩნდა, სოციალური დახმარების სამსახურის მიერ ფინანსური დახმარების ოდენობის განსაზღვრის დროს გათვალისწინებული არ იყო კომუნალური გადასახადები. შესაბამისად, მოხუცს მაღევე შეუწყდა ელექტრო და წყალმომარაგება. ოფიცერი ქალბატონის სახლში მივიდა და აღმოაჩინა, რომ მაციგარში არსებული საკვების მთელი მარაგი გაფუჭებული იყო. ქალს დამოუკიდებლად გადაადგილება არ შეეძლო, შესაბამისად პროდუქტის ყიდვასაც ვერ ახერხებდა. პოლიციის ოფიცერი დაუუკოვნებლივ წავიდა უახლოეს მარკეტში პროდუქტების შესაძნად, კაპრალი ჯესიკა ვანი კი მოხუც ქალთან დარჩა. მიღერმა საკუთარი სახსრებით შეიძინა პირველადი მოხმარების საგნები, საკვები პროდუქტები და მოხუცს მიუტანა. გახარებული ქალი სიტყვებს ვერ პოულობდა მისთვის მადლობის გადასახდელად.

- „ეს არის ის, რაზეც პოლიციელის პროფესია დამყარებული, ჩვენ ვეხმარებით ადამიანებს და ვამაყობთ ამით!“ - საკუთარ ფეისბუქის გვერდზე დაპოსტა გეინსვილის პოლიციის დეპარტამენტმა.



ფუარაზალი გმირობა, რომელიც ჩამოიწვევდა ქართველი დასამართლის გადაცემას

1976 წლის 16 სექტემბერს, კაშხლის პირას მიმავალი ტროლეიბუსი წყალში გადავარდა და დახრისხისთვის განწირული 92 მგზავრი ფსკერისაკენ წაიყოლა. ამ დროს, ტბის ირგვლივ თავის ყოველ-დღიურ გარბენს მსოფლიოს 17 გზის, ევროპის 13 გზის, საბჭოთა კავშირის 7 გზის ჩემპიონი და 8 მსოფლიო რეკორდის ავტორი შავარშ კარაპეტიანი ასრულებდა. ის იმწუთას ვე გადაეჭვა ამღვრეულ წყალში. მოგვიანებით ექსპერტებმა აღნიშნეს, რომ ფიზიკურად შეუძლებელი იყო იმის გაკეთება, რაც მან შეძლო. ფეხებით ჩამსხვრია ტროლეიბუსის უკანა მინა და დაიწყო გონიერადაკარგული მგზავრების გამოყვანა. 20 წუთი დაშავო ყინულიან წყალში და 20 სიცოცხლე გადაარჩინა - სინამდვილეში მან მეტი მგზავრი ამოიყვანა, თუმცა, სამწუხაროდ სხვების გადარჩენა ველაპი მოხერხდა. ყოველი ამოუკინთვის შემდეგ ჩანდა, თუ როგორ ემატებოდა სხეულზე მინის ნამსხვევებისგან დასერილი ადგილები.


კითხვაზე - რა იყო ყველაზე მძიმე? შარვაშმა უბასუხა: - „ვიცოდი, რომ მთელი ჩემი ფიზიკური შესაძლებლობების მიუხედავად, ძალა მხოლოდ მგზავრთა გარკვეულ რაოდენობაზე მეყოფოდა. ხილვადან ნულის ტოლი იყო. ხელის შეხებით ვპოულობდი ადამიანებს და დაუფიქრებლად, დრო რომ არ დამეკარგა, ზევით მოვაცურებდი. ერთ ამოუკინთვა-


ზეც აღმოჩნდა, რომ სავარძლის ტყავის ბალიში ამომიტანია. დავყურებდი ამ ბალიშს და საშინელება იყო იმის გაფიქრება, რომ ჩემი შეცდომის საზღაური ვიღაცის სიცოცხლე გახდა...“

მეორე დღეს, შავარშ კარაპეტიანი საავადმყოფოში გადაიყვანეს. მას ფილტვების ანთება ჰქონდა, 40 გრადუსი სიცხით, რომელიც შემდეგ სეფსისით გართულდა. ექიმები გადარჩინის იმედს ვერ იძლეოდნენ, თუმცა 46-ე დღეს ავადმყოფი გონს მოეგო. ფილტვში მრავალრიცხოვანი იარების გამო ყოველი ამოსუნთქვა ტკივილს უკავშირდებოდა. ექიმებმა სპორტის დავიწყება ურჩიეს, თუმცა მას ამის გაგონებაც არ უნდოდა.

1977 წელს, შავარშ კარაპეტიანი საბჭოთა კავშირისა და ევროპის ჩემპიონი გახდა და დაამჟარა ახალი რეკორდი, თუმცა, მას შემდეგ მას მაინც მოუშია სპორტის დატოვება ჯანმრთელობის პრობლემების გამო.

წყარო: www.ici.ge





საილომ ცუნამის დროს გოგონა გაფართვის

2004 წელს, ტაილანდში მომხდარი ცუნამის დროს, სანაპიროზე მყოფი 8 წლის ქმბერ მენ-სონი სპილომ გადაარჩინა. როგორც კი ტალღამ ნაპირს დაარტყა, 4 წლის სპილომ ხორთუმი მოხვია ბავშვს და უახლოესი შემაღლებული ადგილისკენ გაიჭცა. ცხოველი გააფთრებით იცავდა გოგონას და თავისი სხეულით ეფარებოდა, რომ წყლის ნაკადს მისთვის არ დაერტყა. რომ არა სპილო, გოგონა სანაპიროზეც დაიღუპებოდა.

მარათალა ძალება ახალშობილი სიკვდილისგან იხსნა

ტაილანდში ქუჩის მაწანწალა ძალომა ახალშობილი გოგონა სიკვდილისგან იხსნა. გოგონა დედამ სანაგვეზე გადააგდო და რომ არა ძალი სახელად წომ სოტი (ტაილანდურად - რძე) პატარას ორი სხვა ძალი დაგლევდა.



ინციდენტი ტაილანდის ერთ-ერთ პატარა სოფელში მოხდა. სანამ ორი მოზრდილი ძალი ერთმანეთს ებრძოდა ნადავლის დასაკუთრების მიზნით, წომ სოტმა ზეწარს კბილები ჩავალო და ახალშობილი ადამიანებთან მიარბენინა. ბავშვს ტანზე რამდენიმე ნაკბენი აღენიშნებოდა, იგი სასწრაფოდ საავადმყოფოში გადაიყვანეს. ადგილობრივმა პოლიციამ ვიდეოთვალთვალის კამერების ჩანაწერებში აღმოაჩინა ქალი, რომელიც ზეწარში გახვეულ ახალშობილს სანაგვეზე აგდებდა.

იცოდით, რომ...

**მარცველებას შემთხვევით 911-ზე
დარეას**

აშშ-ს შტატ მინესოტაში სამი მძარცველი და-
აპატიმრეს. ერთ-ერთმა მათგანმა ჯიბეში მდე-
ბარე მობილურიდან შემთხვევით განახორ-
ციელა ზარი 911-ზე. ოპერატორმა, რომელმაც
აღნიშნული ზარი მიიღო, ბოლომდე მოისმი-
ნა საუბარი, საიდანაც ნათლად ჩანდა, რომ ეს პირები ბინას ძარცვავდნენ.



ზარის ხანგრძლივობა 34 წუთი იყო, ამ დროის განმავლობაში პოლიციამ მისა-
მართიც დაადგინა და ადგილზევე აიყვანა დამნაშავეები.

წყარო: www.pravda.ru



**პატრონება და მარცველება
ერთობლიულად გამოიძახეს 911**

2012 წლის დეკემბერში, ტეხასის შტატის ქალაქ სპრინგტონში, ჯეიმს ჯეროუს მე-
ულლესთან და შვილებთან ერთად საკუ-
თარ სახლში ეძინა, როცა მის ავტო-
ფარებში ვიღაც შეიპარა. ჯეროუმ იარაღი აიღო, ავტოფარებში შევარდა და მძარ-
ცველი კედელთან მიიღწევდია. დამნაშავემ მოახერხა და იქვე მდგომი სატვირთო
ავტომანქანის გასაღები აიღო, შევარდა კაბინაში, კარი შიგნიდან ჩაიკეტა და 911-
ზე დარეკა. პარალელურად ჯეროუს მეულლემაც გამოიძახა დახმარება - „იჩქარეთ,
ჩემს მეულლეს იარაღის მუქარით ჰყავს გაჩერებული ის...“ - უთხრა მან 911-ის ოპ-
ერატორს.

911-ის ოპერატორმა ოპერატიულად გაგზავნა მისამართზე პოლიცია და დამნაშა-
ვე ადგილზევე დააპატიმრეს.

წყარო: www.publy.ru

„დღიური ჯარიშების“ სისტემა

ფინეთში სიჩქარის გადაჭარბების დროს ე.წ. „დღიური ჯარიშების“ სისტემა გამოიყენება, ჯარიმის ოდენობა კი პიროვნების შემოსავალზეა დამოკიდებული, ამიტომაც ხშირად ის ათობით ათას ევროსაც კი აღწევს.

2002 წელს, ნოკიას ერთ-ერთი დირექტორი, ანსი ვანიოკი, 116 ათასი ევროთი დააჯარიმეს, ის 50 კმ/სთ შეზღუდვის მქონე გზის მონაკვეთზე 75 კმ/სთ სიჩქარით მოძრაობდა.



განსოვლეთ!

112 - თან დაპავშირება შესაძლებელია
ფიქსირებული და მობილური
ტელეფონიდან



სიმ-ბარათის გარეშე

ინდექსისა და ქალაქის კოდის გარეშე



ორმხრივად გამოიშული მობილური ტელეფონიდან

ორმხრივად გამოიშული ფიქსირებული ტელეფონიდან

www.112.ge

www.facebook.com/112.ge

www.kids.112.ge

როგორ წარები გადამცველია



აითხვები, რომლებზეც ყუდილებლად
უძღვა უპასუხოთ **112-ის ოპერატორს**

რა მოხდა?

შემთხვევის ტიპი



სად მოხდა?

შემთხვევის ზუსტი
ადგილი



თქვენი სახელი
და გვარი



www.112.ge

www.facebook.com/112.ge

www.kids.112.ge



შსს სსის – 112

ვერტებისა და ნებაბიძის
მისამართის გადახდის უაღაკავშირები
კომისანი

www.112.ge

pr@112.ge